

certa à Chamese Chamesia dici debuisset, accepit. Iapetus, quæ sacra uera Iaphetum siue Iephetum dicunt, iustius suæ parti, ut in nostro orbe inter tres minimæ, ita monumentis nulli omnino inferiori, nomē Iapetiꝑ dare aut reddere debet, quàm à nefarij nebulonis cum uacca congressu fabulosam Europæ nomenclaturā illi permittere. Quartæ parti hæctenus Latinis memorijs incognitæ, licet alijs Noui mundi, alijs Indiæ occidentis, alijs à uarijs inuentoribus dedere nomen: tamen Atlantidis ex Platone, & ex altero Iapeti nostri patris, qui Atlus, Attalus & Atlas, uti & alijs multis nominibus, dictus est ( ut in Dispunctionum Cosmographicarū opere traditur ) longè iustius nomen imponendum uel restituendum est. Quum autem Australis innotuerit portio, quæ & totum mare pacificum obtegit, & à suppolari motu defendit, illi nomē Chasdiah dabitur: ut in Dispunctionibus, cur ita dici debeat, ostendetur.

*In quam Uniuersi plagam maxima harum terra medys ex aquis elata partium uergat portio.*

**E**Xceptione breuissimè tradetur, quòd præter Australi polo subiectam aut proximam, & præter Chamesiæ & Atlantidis australis iuga sese respicientia, quæ ultra æquatores prominent, hæc quidem ad 54. gradum, ubi est Martini Bohemi fretum, à Magaglianesio Lusitano aliàs nuncupatum, illa autem ad 35. ubi est Bonæ spei promontorium, tota terreni orbis facies continuo ferè, præter duas maris rupturas, tractu, ab ortu in occasum, & cōtrà **AD AQVILONAREM**  
mundi